



Australian Government
Department of Home Affairs



Fale Tausi Tamaliki i te Polokalame mō te ‘Gana Palagi ki Tino Fōu Mātua Ki te Fenua (Adult Migrant English Program)

Mata e manakogina ne koe te fesoasoani o fale tausī tamaliki ke mafai o kau koe ki te akoga i te Polokalame mō te ‘Gana Palagi ki Tino Mātua Fōu ki te Fenua (Adult Migrant English Program - AMEP)? Kāfai e kau koe i se vasega a te AMEP, e isi ne nofoga o motoka mō tamaliki kolā e se ‘togi e toka mo au tamaliki mai lalo.

Te polokalame a te AMEP, ka fakatoka ne lātou se fale tausī tamaliki telā e 30 minute te ‘mao mo tou fale io me ko te akoga. E mafai o se taunū te faiga tenei i taimi katoa. Te polokalame a te AMEP ka taumafai malosi o ‘sala se fale tausī tamaliki telā e pili ki a koe.

Te polokalame a te AMEP ka gālue ki te fakatokāga o te taimi o te fale tausī tamaliki ke fetau mo te taimi kamata o tau akoga. Ka taumafai foki lātou o tāofi a aso o te fale tausī tamaliki ke ‘pau mo aso e akoga iei koe. I nīsi taimi, e isi ne fale tausī tamaliki e se mafai o toka io me ofo atu a nāi aso kolā e avanoa ia lātou, tela ka manakogina ke faitali koe ke avanoa ne aso faopōpo.

Fale tausī tamaliki se ‘togi e talia fua ma akoga koe i te polokalame a te AMEP. E se avanoa mo nīsi polokalame kolā mai tua o taimi akoga o koe i te AMEP. Kāfai ko se akoga koe i te AMEP io me ko oti tau akoga, e ‘tau o fakatonu loa ne koe a te fale tausī tamaliki mō au tamaliki. Kāfai tau tama io me ko au tamaliki ka se nofo i te fale tausī tamaliki mo se vāitaimi, e tāua ke fakailoa ne koe ki te akoga e akoga iei koe i te AMEP. Te faifaiga tenei e fakafaigofie iei te fakamafuilifuliga o te avanoāga mō au tamaliki.

Ka uke taimi ne seki akoga iei koe, e mafai ne te polokalame o te AMEP o fakagata te avanoāga o au tamaliki i te fale tausī tamaliki. Ka toe foki mai koe ki te AMEP, e mafai foki o toe maua ne koe te avanoāga ki fale tausī tamaliki se ‘togi, kae ka mafai o faitali koe ke isi se avanoāga e toka mai.

Te polokalame o te AMEP e mafai o ofo atu ne lātou ne fesoasoani e uke mō fesoasoani ki a koe ki manakōga o fale tausī tamaliki, ke mafai ne koe o kamata tau akoga. E fakatusa penei, e mafai o akai atu:

- Ke akoga koe i se fale a se fakapotopotōga telā e isi se fale tausī tamaliki iloto
- Ke tai malaga ‘mao atu koe mo tou manakōga
- Ke akoga koe mo se faiakoga fesoasoani se ‘togi io me akoga koe mai i te fale ke oko ki te taimi e maua iei te avanoāga i se fale tausī tamaliki

Kāfai a te fakatokāga mō te fale tausī tamaliki e se fetau mo tou manakōga, e ‘tau o faipati koe ki te akoga e fai iei tau polokalame o te AMEP.

Mō fakamatalāga faopōpo e uiga mō fale tausī tamaliki, fakamolemole faipati ki te akoga e fai iei tau polokalame o te AMEP.